



## *Odbor za dodjelu "Šestoaprilske nagrade Grada Sarajeva" u 2023. godini*

Broj: 04- GV-02-295-4/23

Datum, 16.02.2023. godine

Odbor za dodjelu "Šestoaprilske nagrade Grada Sarajeva" u 2023. godini, na sjednici održanoj 02.03.2023. godine, razmatrao je:

- Izvještaj o radu Odbora za dodjelu „Šestoaprilske nagrade Grada Sarajeva“ u 2023. godini

i podnosi Gradskom vijeću Grada Sarajeva sljedeći:

### *Izvještaj o radu Odbora za dodjelu „Šestoaprilske nagrade Grada Sarajeva“ u 2023. godini*

Gradsko vijeće Grada Sarajeva je svojom Odlukom o imenovanju Odbora za dodjelu „Šestoaprilske nagrade Grada Sarajeva“ u 2023. godini, (Službene novine Kantona Sarajevo, broj: 44/22), formiralo Odbor za dodjelu „Šestoaprilske nagrade Grada Sarajeva“ u 2023. godini koji čine članovi Komisije za izbor i imenovanja Gradskog vijeća Grada Sarajeva u sastavu Mirela Džehverović, dr.sci, Drago Jurić, Vedad Deljković, Biljana Lazarević, Almedin Miladin, Elvedin Korora, Adi Škaljić te istaknuti javni djelatnici prof. dr. Hadžan Konjo, doc.dr. Šahim Kahrmanović, Mirza Pašić, mr.sci. Mirsada Murtić, Edin Deljković, prof.dr. Jasmina Selimović.

\*\*\*

Odbor je dana 09.12.2022. godine održao Konstituirajuću sjednicu na kojoj je, u skladu sa Odlukom o uslovima i načinu dodjele „Šestoaprilske nagrade Grada Sarajeva“ („Službene novine Kantona Sarajevo“, broj 41/22 i 49/22), za predsjedavajućeg Odbora izabrao Adija Škaljića, a za zamjenika Predsjedavajućeg Vedada Deljkovića. Potom je Odbor razmotrio te se odredio o bitnim elementima budućeg rada.

Nakon konstituiranja Odbora za dodjelu „Šestoaprilske nagrade Grada Sarajeva“ u 2023. godini, usvojen je Poslovnik o radu Odbora za dodjelu „Šestoaprilske nagrade Grada Sarajeva“ u 2023. godini, dinamika rada Odbora, prijedlog štampanih i elektronskih medija javnog informiranja za objavu javnog poziva kao i spisak strukovnih udruženja i komora kojima je potrebno uputiti tekst Javnog poziva o uslovima i načinu predlaganja kandidata za dodjelu „Šestoaprilske nagrade Grada Sarajeva“ u 2023. godini. Zatim je utvrđen tekst Javnog poziva koji je upućen medijima javnog informiranja i ranije određenim subjektima, u potrebnom roku. Javni poziv je bio otvoren do 26.01.2023. godine.

Prva sjednica je održana 19.01.2023. godine. Na ovoj sjednici je Odbor izmijenio i dopunio Poslovnik o radu Odbora tako što je javno glasanje primijenjeno i u radu sjednice Odbora, a slijedeći opredjeljenje iz Odluke o uslovima i načinu dodjele „Šestoaprilske nagrade Grada Sarajeva“ pri odlučivanju na sjednici Gradskog vijeća.



Razmatrajući tekuća pitanja Odbor je zauzeo stav i zatražio da se uputi zahtjev Ministarstvu pravde i uprave za davanje mišljenja o primjeni člana 2. tačka c) alineja 4) Zakona o prevenciji i suzbijanju korupcije u Kantonu Sarajevo na članove Odbora za dodjelu „Šestoaprilske nagrade Grada Sarajeva“ u 2023. godini. (odgovor Ministarstva do formulacije ovog izvještaja nije stigao)

\*\*\*

Druga sjednica Odbora je održana 02.02.2023. godine i na toj sjednici je Odbor zaprimio sve pristigle prijedloge za kandidate za dodjelu Nagrade te je Odbor donio određene zaključke s ciljem usmjeravanja daljeg rada Odbora.

\*\*\*

Treća sjednica Odbora je održana 06.02.2023. godine. Na ovoj sjednici je nastavljen rad Odbora u skladu s procedurom iz Poslovnika o radu Odbora.

Odbor za dodjelu „Šestoaprilske nagrade Grada Sarajeva“ u 2023. godini je razmotrio prijedloge pristigle po Javnom pozivu o uslovima i načinu predlaganja kandidata za dodjelu „Šestoaprilske nagrade Grada Sarajeva“ u 2023. godini.

U roku utvrđenom u Javnom pozivu, Odboru za dodjelu „Šestoaprilske nagrade Grada Sarajeva“ u 2023. godini, dostavljeno je ukupno 36 prijedloga, s 26 podrški, za 22 kandidata i to 7 prijedloga za kandidate za dodjelu kolektivne nagrade i 15 prijedloga za kandidate za dodjelu pojedinačne nagrade. Poslije roka nije pristigao niti jedan prijedlog.

Odbor je proveo Prvi krug glasanja (Očitovanje Odbora za dodjelu „Šestoaprilske nagrade Grada Sarajeva“ u 2023. godini o blagovremenosti i potpunosti pristiglih prijedloga po Javnom pozivu o uslovima i načinu predlaganja kandidata za dodjelu „Šestoaprilske nagrade Grada Sarajeva“ u 2023. godini) i utvrdio spiskove kandidata za Drugi krug glasanja (posebno za pojedinačnu i posebno za kolektivnu Nagradu).

\*\*\*

Četvrta sjednica je održana dana 09.02.2023. godine kada je proveden drugi krug glasanja u dva koraka, u skladu s Poslovníkom o radu Odbora i utvrđena lista kandidata za dodjelu Nagrade za Gradsko vijeće i to posebno za dodjelu pojedinačne Nagrade sa dva kandidata i posebno za dodjelu kolektivne Nagrade sa jednim kandidatom. Stručna služba je zadužena da, u skladu sa navedenom listom, pripremi prijedloge odluke za Gradsko vijeće sa obrazloženjem i pripadajućim materijalima koje bi Odbor na sljedećoj sjednici utvrdio aklamacijom i uputio Gradskom vijeću na razmatranje i konačno odlučivanje. Odbor je zadužio Stručnu službu i da pripremi izvještaj o radu Odbora za Gradsko vijeće.

Na Petoj sjednici je Odbor donio sljedeće **zaključke**:

1. Odbor za dodjelu „Šestoaprilske nagrade Grada Sarajeva“ u 2023. godini donosi Izvještaj o radu Odbora i podnosi ga Gradskom vijeću na razmatranje i usvajanje;
2. Odbor za dodjelu „Šestoaprilske nagrade Grada Sarajeva“ u 2023. godini utvrđuje;
  - Prijedlog Odluke o dodjeli pojedinačne „Šestoaprilske nagrade Grada Sarajeva“ u 2023. godini (akademik Senahid Halilović) koji je u prilogu ovog akta
  - Prijedlog Odluke o dodjeli pojedinačne „Šestoaprilske nagrade Grada Sarajeva“ u 2023. godini (akademik Kemal Hanjalić) koji je u prilogu ovog akta
  - Prijedlog Odluke o dodjeli kolektivne „Šestoaprilske nagrade Grada Sarajeva“ u 2023. godini (Komora medicinskih sestara - tehničara Kantona Sarajevo) koji je u prilogu ovog akta

i upućuje ih Gradskom vijeću na razmatranje i konačno odlučivanje.

Uz ovaj izvještaj se arhiviraju zapisnici o radu sjednica Odbora i pripadajući materijali.

PREDSJEDAVAJUĆI ODBORA

*Adi Škaljić, s.r.*